

立義分

摩訶衍者總說有二種 云何為二 一者法

二者義 所言法者 謂衆生心

是心則撰 一切世間法 出世間法

依於此心 顯示摩訶衍義 何以故

是心真如相 即示摩訶衍体故

是心生滅因縁相 能示摩訶衍自体相用故

所言義者即有三種 云何為三 一者体大

謂一切法 真如平等不増減故 二者相大

謂如来蔵具足無量性功德故 三者用大

謂能生一切世間 出世間善因果故

一切諸仏本所乘故 一切菩薩皆乘此法

到如来地故 諸仏甚深広大義

我今隨分總持說 廻此功德如法性

普利一切衆生界